

紀文達公遺集

第一函
五十一冊
上

紀達公遺集卷第三

孫樹馨編校

雅頌

平定兩金川雅

謹序 乾隆四
十一年代作

臣聞弧矢之象易取諸睽言睽則威之也啟征有扈作
甘誓乃稱天用勦絕龔行天罰然則聖人並用五材以
昭七德其未自絕於天者恒仁愛不輕翦刈迨其干命
亂常悖越顯道而後仗順以討之故旗鏐所指如雷霆
下擊雖險阻崎嶇終弗能拒兩金川者於三代無可考
漢始通冉駹置汶山郡然故址在今茂州相距五百餘

里則仍邊外地也於星爲井鬼分野鶉首之次介於西南之間故狡黠有蠻風而剽悍鈔盜有羌俗

國家幅員廣袤順治壬辰隨九姓內屬六撫三慰受職納賓百年來隸爲臣僕非復前代之羈縻矣乾隆戊辰促浸郎卡始與僭拉構釁執其渠澤旺

王旅徂征釋兵悔禍

皇上閱其頑蠢予以自新越十年戊寅鷹眼不化又潛侵吉地丹多諸部然同類相搏私爲攘歛譬之鼠牙雀角婦孺詬爭操挺里巷之間有司者治之不足以煩九伐也封狼生羆世盈厥惡逆子索諾木恃險陸梁戊子

夏據革布什咱戕其土官鴟張日甚澤旺及子僧格桑亦忘再造之

恩朋比煽合圍攻鄂克什豕突不已且築壘列砦角觝抵觸顯然欲負嵎抗

天討邊帥問罪果厲鋒格拒於是綽斯甲布巴旺丹埧從噶克梭磨卓克采諸部咸騷然無寧宇且妄播謠曲有吐蕃維州之志夫強噬弱巨慝也下逆上大罰也亂氣薰灼

蒼絳震怒

皇上欽承

天道修飭政刑遂不能復爲二豎貫爰整六師翦除苞
拑一軍由巴郎拉一軍由約咱分途並勦虎旅鋪敦儼
拉一部已躡鼠壤俘獍父而索諾木猶敢淵藪逋逃逞
其蜂蠆窮凶極悖彌不可容於覆幬於是重

命阿桂爲定西將軍豐昇額明亮等爲之副稟密畫於
宸衷揚

天聲於荒徼分道直入霆衝颺捲進克資哩復鄂克什
官寨轉戰而前遂復美諾及別思滿兜烏八卦碕僧格
宗底木達布朗郭宗大板昭曾頭溝諸地五日之內儼
拉耳平惟索諾木猶窟穴嶄崑萬計死守阿桂等仰遵

廟鼻務靖妖氛桴鼓揚旂目無險阻剗絨布拔羅博瓦
焚熟圍歌洛扼喇穆喇穆遂由空薩爾收密拉噶拉木
上憑風磴下瞰螳旋皆垤破壞頽蒼黃莫措乃盪木斯
取甲索自基木斯丹當噶五十里內賊徒自燿遂定勒
烏圍扼吭附背鼓行而前仄隘危巒指揮並下乃進圍
噶拉依大師合會欲野歎山若雷鼓轟而天球振也穴
鼠技窮釜魚路斷徵側徵貳之屬僑如榮如之輩咸魄
悸骨慄自歸羅尉惟索諾木及其逆黨自知罪戾不赦
猶閉壘偷生至七萃奮登乃纍纍貫索大斂旣獲蠻徼
砥寧列戍開屯屹爲雄鎮數萬年木石魍魎之區忽噉

然而睹白日於鑠哉

聲靈震耀蔑以加矣往歲癸亥我

皇上并鉞參旗戡定西域繫頡利之頸械疏屬之尸懸
母寡之首斥埃屯種過碎葉薄葱嶺黃圖所拓二萬餘
里其間再亂再平蕝事不過五載功爲古今所未有今
金川之境雖不過五百里金川之衆雖不過二三萬人
其地雖近接蜀徼無星源月竈之遠然山重水沓無寸
土之坦仄徑巉巖一綫穿漏上入雲下縋谷往往飛猱
側足飛鳥不越一夫扼隘則中黃飲飛不能用其排突
又碣房之制卽揚雄蜀都賦所謂石壁後漢書西南夷

傳所謂卽籠自昔夷落恃以爲固憑高密綴尤猝不易
攻譬黠鼠微蠋窺匿於密罅曲竇抉剔求之物小而力
乃百倍故漢通西南能斬竹王之首而兵未嘗涉其閩
姜維馬忠討羌故壘乃在今內地宋嘗一征旺烈弗利
而止厯代以來無能采入其阻者

皇上於五載之中藉場艾旃繫縛蛟鰐與平原大野馳
驅決勝者等功亦古今所未有蓋曠世偉績越二十年
而再睹也且古者出師皆受命於一帥故曰闡以外將
軍制之惟我

皇上命將出師皆

睿謨獨運策形勢於萬里之遠操賞罰於九天之上

指示駕馭赴機若神

臣

章句陋儒雖不足測

高深萬一而叨荷

恩遇出入

禁闥仰見軍興以來

皇上宵衣批牘旰食披圖或羽書夜至亦中宵

宣授機宜

聖慮勤勞越五年如一日知經緯萬端悉由

乾斷建牙秉鉞之臣特稟

成命效驅策耳此尤千古帝王所未有也然恭讀

御製太學紀功碑文委曲詳明方諄諄於兵非得已絕不以武功耀萬世則

聖人之情與

天合契風霆雨露因物而施纖毫無心於其間益非區區管蠡所能窺見矣昔唐吳少誠據蔡州拒命三世其地爲中原平土非有山川險隘之勢竭天下之力五十載僅乃克之其時韓愈柳宗元等猶作爲雅詩以揚播後代今

聖天子驅馭虎貔翦除狼虺通亘古不通之險其事越平淮萬萬臣忝珥筆其可不作爲文章以歌詠休明顧

學殖荒落詞不副意不敢自爲撰著謹仿晉傳咸集句
爲詩之例裒緝唐人舊文排比倫次爲雅詩十二章以
賡揚

盛烈昭示來茲其詞曰

聖惟廣運

孫

仁壽昭融

李延壽

三光順軌

韓愈

道叶升中

李嶠

懷德畏威

白居易

有截海外

元結

瀚海陰山

李商隱

咸若采衛

柳宗

其一

元

蠢茲蕃醜

令狐楚

自悖化宇

李絳

潛懷狂房

權德輿

徵風召雨

駱賓

王

皇帝曰咨

李宗閔

念彼遠人

蔣防

邊臣申約

李吉甫

特許自新

常 其二

醜類伊何

楊炯

執迷不復

常衎

蜎起蜂飛

駱賓王

蟻聚蛇伏

孫逖

罪滿惡稔

白居易

擾茲邊鄙

王仲舒

憑依堅壘

楊於陵

謂險遠

可恃

獨孤及

其三

皇赫斯怒

常袞

天威遠震

權德輿

董我三軍

李德裕

以昭順正

李翱

箕宿禡牙

杜審言

揚鉦宣武

吳融

豺狼之性

元載

觝觸是務

杜牧

其四

申簡帥臣

白居易

命師授律

權德輿

待擒妖鳥

張仲素

傾其巢

窟

獨孤及

虎臣稽首

蘇頌

虔奉

聖謨

張九齡

天助神兵

劉禹錫

莫敢枝梧

楚令狐

其五

陰凝雪飛

段文昌

山高樹逼

王勃

登必爭先

獨孤

因機深入

駱賓王

狼星斂角

杜牧

雲捲霧消

樊衡

飛梯衝傾

常袞

枳棘之巢

張仲素

其六

絕壑憑霄

駱賓王

瞰臨壁壘

常袞

鴟嘯狸號

李延壽

冰裂瓦解

孫樵

旣踰絕險

羅隱

旋即合圍

于邵

馘醜挫兇

呂溫

無堅不摧

沈顏

其七

威貫風雷

楊於陵

奔狐竄穴

宋之問

星羅四張

于公異

以遏其

唐突

獨孤

潛火煽孽

柳宗元

雖困猶鬪

常袞

衆叛親離

白居易

羣凶授首

張仲素

其八

天威震耀

常袞

決勝萬里

李邕

遂奏膚功

張說

用調化紀

崔湜

地

分輿井

陳子昂

星漢昭回

李德裕

神功偉績

李吉甫

赫赫巍巍

韓愈

其九

諸蕃相屬

李延壽

恪奉

天常

張說

視茲亮悖

于公異

往斧其吭

韓愈

瞻矚

聖朝

李翱

光照臨兮

盧肇

仁洽好生

權德輿

昭

德音兮

顏真卿

其十

懷柔百神

楊炯

永介

福祚

張說

茂祉昭彰

王勃

湛恩布濩

李嶠

九重獨運

段文昌

功成不有

李德裕

讓善於

天

柳冕

天之祐

元載

其十一

皇天眷命

張說

靈貺昭宣

王表

光宅六合

楊炯

於萬斯年

韓愈

孝理承

庥化成悠久

羅隱

九有同歡

陸贄

南山獻壽

李商隱

其十

二

平定兩金川頌

謹序

乾隆四

十一年代作

臣聞蟻罍必苴則無孳菱湛玉之勞曲突先戒則無揚

燎焦原之患睹萌者慮著規勢者遏變故勞一而逸萬
也攝提合雒以來智莫踰黃軒而涿野絕其轡仁莫踰
伊耆而丹浦揚其鑿豈不欲徹埃毀障銷鎬灌燹哉徒
以蓄虺蘊螫養枳延叢故意周乎萬禩蹙起而詰戎也
往者歲在乙亥

天翦慈雪以畀我

清

皇帝拓州絡引天衡招搖繕怒蓐收練精豐溫禺以怵
魑絜兜題而抗棱水陸惛慄駢琛貢庭下湔慘黷上答
光靈

帝術大乎一統非震耀乎佳兵蓋自平定伊犁回部以
來戢干偃伯黃祗砥寧

天弧直狼璇霄翕晶有睽睨而駭伏孰睢盱而突嬰乃
有兩金川者猋猋鬚窟巢峻嶒接魚蠶而牙錯介蠻
氏而鯨瞪奚斤贊普種類宵冥儼拉由舊促浸孽生漸
幹弱而枝強乃大小之區名鬱太古之沴戾悶複奧而
蘊蒸神將殲乎狼族俾控搏而胚形旄牛舞而人立闖
挺出以孤撐歲在戊辰郎卡始貳宓厲厥牙澤旺乃繫
木魅吹火妖星吐彗冉愕駭駭叩霾笹曠列缺怒而施
鞭雪山簸而軒輊懼搏顙而顙貸